



Dengan Nama Allah Yang Maha Pemurah dan Maha Penyayang. Segala puji hanya milik Allah dan semoga selawat serta salam tetap tercurahkan ke atas Nabi Muhammad s.a.w, para sahabat, keluarga dan semua orang yang mengikuti jejak mereka dengan kebaikan.

Pengertian Umrah & Hukum Umrah

Umrah mengikuti definisi syarak ialah: Menziarahi Baitullah Al-Haram kerana mengerjakan Tawaf, Sa'ie dengan menurut syarat-syaratnya serta menunaikan segala wajib-wajibnya.

Umrah hukumnya pada pendapat yang sahih:- Wajib sekali seumur hidup ke atas setiap orang Islam yang sudah baligh, berakal, merdeka, berkuasa samada lelaki atau perempuan dan disunatkan memperbanyakannya terutama pada bulan Ramadhan. Harus pada sepanjang tahun.


Miqat Umrah

Ibadah umrah hanya memerlukan Miqat Makani (Tempat untuk memasang niat ihram) tidak seperti haji yang memerlukan Miqat Zamani sekali (Waktu yang tertentu) Miqat Makani umrah sama seperti miqat-miqat haji melainkan bagi mereka yang tinggal di Makkah itu sendiri. Maka Miqat mereka hendaklah mereka keluar ke tanah halal walaupun setapak.

Kebiasaan para jemaah akan ke tempat-tempat berikut untuk bermiqat (berniat).

- | | |
|----------------|------------------|
| 1. Bir Ali | 5. Al-Juhrah |
| 2. Jaaranah | 6. Zatuniraqi |
| 3. Tan'im | 7. Qarnulmanazil |
| 4. Hudaibiyyah | 8. Wadi Muhrim |

RUKUN UMRAH	WAJIB UMRAH
1. Niat 2. Tawaf 3. Saie 4. Tahallul Bercukur / Bergunting 5. Tertib	1. Berihram di Miqat 2. Meninggalkan larangan dalam Ihram Umrah



**SALINAN
PERCUMA**

PRAKTIKAL – CARA-CARA MENGERJAKAN UMRAH

1. MANDI SUNAT IHRAM (SUNAT)

نَوَيْتُ غُسْلَ سُنَّةِ الْإِحْرَامِ لِلَّهِ تَعَالَى

Ertinya: "Sahaja aku mandi sunat iħram kerana Allah Taala"

Amalan-amalan yang boleh dibuat pada waktu ini:-

- Mengerat atau memotong kuku.
- Mencabut rambut, mencukur, mengunting atau memotong mana-mana bulu di anggota badan.
- Memakai wangi-wangian.

2. MEMAKAI IHRAM (WAJIB)

CARA-CARA MEMAKAI KAIN IHRAM BAGI KAUM LELAKI

- Kain putih tidak berjahit atau membentuk sarung.
- Masukkan hujung kain kiri ke sisi pinggang kanan.
- Bawa hujung kain kanan ke sisi pinggang kiri lipat pula ke dalam.
- Gulung ke hadapan.
- Kukuhkan dengan tali pinggang.

GUNAKAN KAIN KEDUA

- Selitkan hujung kain kiri ke tali pinggang sebelah kanan.
- Bawa hujung kain sebelah kanan ke bahu kiri dan selitkan di atas bahu.

Sunat berpakaian begini ketika tawaf qudum (Idtibha') – dengan mengeluarkan bahu kanan untuk 3 pusingan pertama.

Ketika solat dan dalam keadaan biasa, kedua-dua bahu hendaklah sentiasa ditutup.

Bertelekung dan menutup aurat telah pun memadai bagi wanita sepanjang iħram dan juga solat.

3. SOLAT SUNAT IHRAM (SUNAT)

أَصَلَّى سُنَّةَ الْإِحْرَامِ رَكْعَتَيْنِ لِلَّهِ تَعَالَى

Ertinya: "Sahaja aku sembahyang sunat iħram 2 rakaat kerana Allah Taala"

Disunatkan rakat pertama dibaca surah al-Kafirun dan rakat kedua dibaca surah al-Ikhlas.

4. BERNIAT DI MIQAT (RUKUN)

نَوَيْتُ الْعُمْرَةَ وَأَحْرَمْتُ بِهَا لِلَّهِ تَعَالَى

Ertinya: "Sahaja aku mengerjakan umrah dan berihram dengannya kerana Allah Taala"

Sesudah niat hendaklah para jemaah bertalbiah sebanyak 3 kali berturut-turut dan selepasnya disunatkan berselawat atas Rasulullah s.a.w

لَبَّيْكَ اللَّهُمَّ لَبَّيْكَ، لَبَّيْكَ لَا شَرِيكَ لَكَ لَبَّيْكَ، إِنَّ الْحَمْدَ وَالنِّعْمَةَ لَكَ وَالْمُلْكَ، لَا شَرِيكَ لَكَ

PERKARA-PERKARA YANG DILARANG KETIKA IHRAM

1. Menutup kepala atau sebahagian darinya bagi lelaki seperti memakai songkok/kopiah atau meletakkan sesuatu di atas kepala dan sebagainya.
2. Memakai pakaian bersarung atau berjahit atau bercantum bagi lelaki seperti seluar dan baju. Kasut yang menutup kaki @ tidak nampak jari atau tumit, tidak boleh dipakai oleh lelaki.
3. Menutup muka bagi wanita.
4. Memakai sarung tangan bagi lelaki dan wanita.
5. Memakai wangi-wangian samada pada badan, pakaian, makanan atau menyedutnya ke dalam hidung. Jika terkena wangian hendaklah segera dihilangkan.
6. Memakai minyak rambut di kepala atau janggut.
7. Mencabut rambut, mencukur, mengunting atau memotong mana-mana bulu di anggota badan.
8. Menggerat, memotong, menebang atau mencabut pokok-pokok tumbuhan di tanah haram
9. Menggerat atau memotong kuku.
10. Memburu atau membunuh bintang buruan yang halal dimakan atau membinasakannya samada di tanah halal atau haram.
11. Berkahwin, mengahwinkan atau menerima wakil kahwin.
12. Melakukan pendahuluan persetubuhan seperti bercumbuan dengan syahwat, termasuk mengeluarkan air mani dan berjima' (jika dilakukan sebelum tahallul akan membatalkan umrah dan wajib diqadha serta merta dengan membayar dam seekor unta mengikut peraturan).
13. Bersetubuh.

5. TAWAF (RUKUN)


اللَّهُمَّ إِنِّي أُرِيدُ طَوَافَ بَيْتِكَ الْحَرَامَ سَبَعَةَ أَشْوَاطٍ طَوَافَ الْعُمَرَةِ لِلَّهِ تَعَالَى

Ertinya: "Sahaja aku tawaf Baitullah tujuh keliling tawaf umrah maka permudahkanlah bagiku dan terimalah daripadaku kerana Allah Taala".

Disunatkan mengucup Al-Hajar Al-Aswad pada permulaan tawaf (jika ada kemudahan). Sebaliknya adalah memadai dengan Istilam. Iaitu dijamah atau disapu dengan tangan, kemudian mengucup tangan itu. Jika tidak, bolehlah ia bersyarat dengan melambai-lambai tangannya kearah Al-Hajar Al Aswad itu dengan membaca:

بِسْمِ اللَّهِ وَاللَّهُ أَكْبَرُ وَاللَّهُ الْحَمْدُ

Ertinya: "Dengan nama Allah, Allah Maha Besar dan segala pujian adalah milik Allah s.w.t"




Dari garisan penjuru Al-Hajar Al-Aswad itulah dikira permulaan bertawaf dan bacalah Doa Tawaf yang pertama.

PERINGATAN: Sewaktu tawaf, jika bahu kiri kita terpesong dari Kaabah, maka pusingan itu terbatal. Hendaklah diulang semula bagi pusingan itu sahaja.



- 1- Hajarulaswad
- 2- Pintu Kaabah
- 3- Saluran Air (Saluran Rahmat)
- 4- Syazarwan
- 5- Hijir Ismail (Dinding Hijir)
- 6- Multazam
- 7- Maqam Nabi Ibrahim
- 8- Rukun Hajarulaswad
- 9- Rukun Yamani
- 10- Rukun Syami
- 11- Rukun Iraqi
- 12- Kelambu Kaabah



6. BERDOA DAN BERMUNAJAT DI MULTAZAM (SUNAT)

Di sinilah antara tempat-tempat yang paling mustajab di Bumi Allah s.w.t akan sentiasa mendengar dan mengabulkan doa hambaNya yang berdoa di tempat ini.

7. SOLAT SUNAT TAWAF DI MAQAM IBRAHIM DAN BERDOA (SUNAT)

Selesai bermunajat di Multazam, anda boleh menuju ke Maqam Ibrahim untuk menunaikan solat sunat tawaf 2 rakaat.

Posisi yang paling baik untuk menunaikan solat adalah di belakang Maqam Ibrahim.

Niat:

أَصْلِي سَنَةَ الْطَّوَافِ رَكْعَتَيْنِ لِلَّهِ تَعَالَى

Ertinya: "Sahaja aku sembahyang sunat tawaf 2 rakaat kerana Allah Taala"

8. MINUM AIR ZAMZAM DAN BERDOA (SUNAT)

Ertinya: "Dengan nama Allah Yang Maha Pengasih dan Maha Penyayang. Ya Allah aku mohon kepadaMu ilmu pengetahuan yang bermanfaat, rezeki yang luas dan kesembuhan dari segala penyakit".

TAWAF

Pengertian, Jenis-jenis, Syarat-syarat dan Sunat-sunatnya.

PENGERTIAN


Mengelilingi kaabah dengan syarat-syaratnya.

SYARAT-SYARAT SAH TAWAF	JENIS-JENIS TAWAF	SUNAT-SUNAT TAWAF
1. Suci daripada hadas 2. Suci badan / pakaian / tempat tawaf daripada najis 3. Menutup aurat 4. Bermula pada sudut Al-Hajarul Aswad dan berniat Tawaf jika Tawaf Wada / Sunat / Nazar 5. Menjadikan Baitullah di sebelah kiri dan berjalan ke hadapan 6. Cukup 7 kali keliling dengan yakin 7. Dilakukan dalam Masjidil Haram dan di luar dari Hijir Ismail / Syazarwan	1. Tawaf Rukun / Ifadah 2. Tawaf Qudum sewaktu haji 3. Tawaf Wada' (selamat tinggal) 4. Tawaf Sunat 5. Tawaf Nazar	1. Berjalan kaki 2. Berittiba' bagi tawaf diiringi dengan Sa'ie (Lelaki) 3. Melakukan Ramal (Berlari-lari anak) bagi Tawaf yang diiringi dengan Sa'ie (Lelaki) 4. Istilam Hajarul Aswad dan mengucupnya / Istilam Rukun Yamani dan tidak mengucupnya 5. Membaca Zikir dan Doa 6. Berturut-turut 7 kali pusingan 7. Tawaf dengan kusyuk / tawadhus 8. Sembahyang sunat tawaf

9. SA'IE (RUKUN)

اللَّهُمَّ إِنِّي أُرِيدُ أَنْ أَسْعَى بَيْنَ الصَّفَّا وَالْمَرْوَةِ الْعُمْرَةَ لِلَّهِ تَعَالَى

Ertinya: "Ya Allah Ya Tuhanku sesungguhnya aku hendak mengerjakan sa'ie antara Safa dan Marwah 7 kali sa'ie umrah kerana Allah Taala".



SA'IE
Pengertian, Syarat-syarat dan Sunat-sunatnya.

PENGERTIAN

Berjalan ulang alik di antara Bukit Safa dan Marwah.

SYARAT-SYARAT SA'IE	SUNAT-SUNAT DALAM MENGERJAKAN SA'IE
<ol style="list-style-type: none"> Dilakukan selepas Tawaf Rukun / Tawaf Qudum Bermula di Bukit Safa dan berakhir di Bukit Marwah Cukup 7 kali dengan yakin dikira sekali daripada Safa ke Marwah dan Sekali daripada Marwah ke Safa Hendaklah sampai ke penghujung tempat Sa'ie di Safa dan di Marwah Hendaklah Sa'ie di Batnulwadi (tempat yang termaklum) Tidak berniat lain yang membesarkan tujuan Sa'ie 	<ol style="list-style-type: none"> Keluar ke tempat Sa'ie melalui Babussafa Menaiki Bukit Safa / Marwah Mengadap Qiblat dan mengangkat kedua tangan serta bertakbir di Safa dan Marwah Berlari-lari anak bagi lelaki apabila sampai di tempat bertanda lampu hijau atau tiang hijau Muwalat (berturut-turut) Suci dari hadas kecil dan besar Berjalan kaki Berdoa

10. TAHALLUL

Pengertian

Tahallul adalah suatu cara untuk mengakhiri atau keluar dari ihram. Ia ibarat salam bagi mengakhiri solat.

Setelah mengerjakan Sa'ie maka anda bolehlah bertahallul, iaitu dengan memotong rambut paling sedikit 3 helai rambut kepala samada dengan gunting, pisau cukur atau mana-mana alat yang lain. Bagi lelaki disuntatkan untuk mencukur kesemua rambut kepala dengan rapi dan bersih. Bagi wanita pula adalah memadai untuk mengunting hujung rambut sepanjang jari sahaja.

Mengucup Hajar Aswad

Mengucup Hajar Aswad hukumnya sunat. Kerana itu hendaklah dielakkan daripada perbuatan yang tidak baik seperti menendang, menyinggung dan menolak orang lain kerana semata-mata ingin mencium Hajar Aswad. Walhal perbuatan tersebut jelas dilarang ketika menunaikan Umrah dan Haji.

Apatah lagi jika anda seorang wanita, maka mencium dan mengucup Hajar Aswad tidak disuntatkan sekiranya keadaan terlalu sesak dan mendatangkan mudarat yang lebih besar seperti berhimpit dengan lelaki yang buka mahram, terdedah aurat atau akan hilang kesabaran menyebabkan anda banyak mencaci dan memaki orang lain.

Ringkasan Mengerjakan Umrah (dari Madinah)

Nota: Ringkasan cara-cara mengerjakan umrah ini sesuai bagi jemaah yang terus ke Madinah dahulu dan Miqat mereka ialah di Bir Ali atau Zulhulaifah.

No	Perkara	Hukum	Waktu	Tempat
1	Potong kuku, cabut bulu ketiak, ari-ari, trim rambut, misai dan janggut, mandi sunat ihram, memakai minyak rambut, berwangian dan memakai ihram berwarna putih.	Sunat	Sebelum berniat Ihram Umrah	Hotel Madinah
2	Memakai pakaian Ihram (lelaki dan wanita)	Wajib	Sebelum berniat	Hotel Madinah
3	Sembahyang sunat ihram di masjid Miqat	Sunat	Sebelum berniat	Miqat di Bir Ali
4	Berniat Ihram dan umrah	Rukun	Ketika di Masjid Miqat	
5	Bertalbiah dan berdoa (juga ketika dalam perjalanan menuju ke Makkah dan masjid Al Haram)	Sunat	Selepas berniat	
6	Meniggalkan larangan-larangan semasa ihram	Wajib	Sepanjang ihram	
7	Berdoa memasuki Makkah dan ketika melihat kota suci Makkah	Sunat	Ketika memasuki kota Makkah	Memasuki Makkah
8	Masuk Masjidil Haram melalui pintu Babusalam dan berdoa	Sunat	Sebelum memasuki masjid	Masjid Al Haram
9	Bertakbir dan berdoa ketika melihat Kaabah	Sunat	Mula-mula melihat Kaabah	Masjid Al Haram
10	Tawaf - sila rujuk	Rukun		Kaabah
11	Berdoa di Multazam, solat sunat tawaf, solat sunat di Hijr Ismail, minum air zamzam dan berdoa	Sunat	Setelah selesai tawaf	Multazam, Maqam Ibrahim, Hijr Ismail
12	Sa'ie - sila rujuk	Rukun	Setelah selesai Tawaf	Bukit Safa dan Marwah
13	Bercukur / Bergunting	Rukun	Setelah selesai Sa'ie	Marwah
14	Tertib dalam melaksanakan hukum	Rukun		

PAKAIAN IHRAM LELAKI



- Dua helai kain yang tidak berjahit atau bercantum.
- Sehelai bagi menutupi aurat di antara pusat dan lutut.
- Sehelai dijadikan sebagai selendang menutup bahagian atas dan bahu.

PAKAIAN IHRAM PEREMPUAN



- Menutupi Kesemua Anggota Badan Kecuali muka dan kedua tapak tangan.

JUARA TRAVEL & TOURS SDN. BHD.

No 1-2-1, Tingkat 2, Blok 1, City Garden Commercial Centre,
Taman Nirwana, 68000 Ampang, Selangor (HQ)

Tel : 03 9226 7105 | Faks : 03 920 21605 | www.juaratravel.com.my